



Osterøy kommune  
Rådhuset  
5282 LONEVÅG

Saksbehandlar, innvalstelefon

Fredrik Arnesen, 5557 2166

## Uttale - Osterøy - 15/16 - Fitje - plastring av elvekant - dispensasjon

Vi viser til brev frå Osterøy kommune av 04.12.2019 og e-post av 20.12.2019 med stadfesting av utsett svarfrist til 15.01.2020. Vi viser òg til fråsegn frå NVE i brev av 13.01.2020. Saka gjeld søknad om dispensasjon for plastring av elvekant på gnr. 15, bnr. 16, på Fitje i Osterøy kommune.

Eigedomen ligg i uregulert område innanfor det som i kommuneplanen sin arealdel er definert som LNF-område. Tiltaket ligg vidare innanfor omsynssone bevaring naturmiljø H560\_71 Lonelvi.

Fylkesmannen vurderer tiltaket som viktig for å sikra veg og brufundament, og er såleis eit samfunnsviktig tiltak. Plastringa vil også gje mindre naturleg grav i elva som også vil gje mindre sedimentering av naturlege partiklar lenger nede i vassdraget. Det er elvemusling (laksemusling) i Loneelva nedanfor Låstadvatnet. Det er derfor viktig at tiltaket vert gjort på ein så skånsam måte som mogleg, på den minst nedbørsrike perioden på året. Vi er kjent med at elveløpet er relativ grunt, og derfor at delar av tiltaket kan gjennomførast utan særleg partikkelavrenning dersom det vert gjort i nedbørsfri periode jf. naturmangfaldlova om miljøforsvarlege teknikkar og driftsmetodar § 12. Arbeidet må stoppast ved mykje nedbør med påfølgjande avrenning og påverknad på vasskvalitet.

På kartet ligg næraste førekomst av elvemusling (auremusling) i Svenheimselva, som er ei sidegrein oppstraums i Lonevassdraget. Denne førekomsten kan såleis ikkje bli påverka av tiltaket.

Vi vil ikkje rå i frå dette tiltaket under føresetnad av at tiltaket vert utført i samsvar med vår tilråding og tilrådinga til NVE i deira brev av 13.01.2020.

Med helsing

Svein Kornerud  
fagdirektør

Fredrik Arnesen  
seniorrådgjevar

*Dokumentet er elektronisk godkjent*